



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-2-40-272-4/23**
Datum: **11.08.2023. god**

«Agencija za vodno područje rijeke Save» Sarajevo rješavajući po zahtjevu pravnog lica JP «ZENICAGAS» d.o.o. Zenica za donošenje Rješenja o vodnoj saglasnosti za aktivnost - prelaz primarnog distributivnog gasovoda preko rijeke Bosne vješanjem na nosivu konstrukciju mosta u naselju Kanal, grad Zenica na osnovu člana 109. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj saglasnosti**

1. Pravnom licu JP «ZENICAGAS» d.o.o. Zenica daje se vodna saglasnost za aktivnost – prelaz primarnog distributivnog gasovoda preko rijeke Bosne oslanjanjem/vješanjem na nosivu konstrukciju mosta u naselju Kanal na zemljištu označenom kao k.č. broj: 1785/1 K.O. Zenica I i k.č. broj: 1919 K.O. Ričice, grad Zenica a prema tehničkoj dokumentaciji:
 - Glavni projekat primarne gasne distributivne mreže pritiska 8 bara na dionici GMRS – Poslovna zona Zenica 1, Investitor JP «ZENICAGAS» d.o.o. Zenica urađen od strane «IGT» d.o.o. Sarajevo (oznaka projekta: 280-ID3/21, juni 2021. godine) revidovan od strane «SARAJ INZENJERING» d.o.o. Sarajevo (broj: DH-326/21, august 2021. godine)Ova vodna saglasnost može se koristiti isključivo u postupku pribavljanja odobrenja za građenje a u skladu sa Zakonom o prostornom uređenju i građenju Zeničko-dobojskog kantona.
2. Projektna dokumentacija navedena u tački 1. Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog Rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. Rješenja, utvrđenog činjeničnog stanja i pod sljedećim uslovima:
 - 3.1. Radove na izgradnji prelaza trase primarnog distributivnog gasovoda preko rijeke Bosne vješanjem cjevovoda na konstrukciju postojećeg mosta u naselju Kanal izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Tehnologiju izvođenja radova prilagoditi uslovima na terenu uz odgovarajuća osiguranja ljudi i materijalnih dobara.
 - 3.3. Ukoliko se tokom izvođenja radova utvrdi da je trasa primarnog distributivnog gasovoda u koliziji sa postojećim instalacijama i stečenim pravima korisnika, riješiti njihovo ukrštanje ili izmiještanje, uz saglasnost nadležnih preduzeća odnosno organa uprave.
 - 3.4. Poduzeti sve mjere kako predviđenim oslanjanjem čeličnog cjevovoda na nosivu konstrukciju mosta u naselju Kanal ne bude ugrožena sigurnost i stabilnost mostovske konstrukcije.
 - 3.5. Planirana trasa primarnog distributivnog gasovoda i priključna mjesta gasovodne mreže će se, u skladu sa dostavljenim projektom, nalaziti na propisanim udaljenostima od vodotoka, tj. izvan vodnog dobra i područja linije plavljenja rijeke Bosne ranga pojave 1/100.
 - 3.6. U toku radova, iskopani materijal se ne smije ni privremeno odlagati na česticu «vodno dobro», odnosno u vodotoke i na njegove obale.
 - 3.7. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim kao i postojeće korisnike voda.
 - 3.8. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 12-19-3972/21 od 28.01.2022. godine; Rješenja o dopuni/izmjeni urbanističke saglasnosti broj: 12-19-3972-1/21 od 19.07.2022. godine i Rješenja o izmjeni i dopuni urbanističke saglasnosti broj: 12-19-3972-2/21 od 22.05.2023. godine izdatih od strane

Ministarstva za prostorno uređenje, promet i komunikacije i zaštitu okoline Zeničko-dobojskog kantona.

4. Ukoliko se izvođenjem predmetnih radova ili drugim aktivnostima vezanim za iste te korištenjem predmetnog distributivnog gasovoda prouzrokuju štete i naruši stabilnost korita rijeke Bosne, stabilnost mostovske konstrukcije, postojećih objekata i obala vodotoka ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi.
5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektu obuhvaćenim ovom vodnom saglasnošću, korisnik zaštitnih vodnih objekata nije odgovoran za nastale štete.
6. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Po završetku radova na polaganju trase primarnog distributivnog gasovoda preko mosta u naselju Kanal potrebno je izvršiti uređenje obala i pojasa u kojem su vršeni radovi te lokalitete očistiti od gradilišnog otpada.
8. Po završetku polaganja trase primarnog distributivnog gasovoda i obavljenog tehničkog pregleda izvedenih radova na gasovodnoj mreži, korisnik vodne saglasnosti dužan je podnijeti zahtjev za izdavanje vodne dozvole za prelaz gasovoda preko rijeke Bosne u naselju Kanal, grad Zenica. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).
9. Investitor je obavezan pridržavati se svih mjera i uslova propisanih u ovoj vodnoj saglasnosti i saglasnostima izdatim od strane drugih nadležnih organa.
10. Ova vodna saglasnost prestaje važiti istekom roka od dvije godine od dana pravosnažnosti rješenja, ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
11. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice JP «ZENICAGAS» d.o.o. Zenica, svojim zahtjevom, zaprimljenim u Agenciju dana 05.07.2023. godine zatražilo je izdavanje vodne saglasnosti za aktivnost – prelaz primarnog distributivnog gasovoda preko rijeke Bosne oslanjanjem/vješanjem na nosivu konstrukciju mosta u naselju Kanal na zemljištu označenom kao k.č. broj: 1785/1 K.O. Zenica I i k.č. broj: 1919 K.O. Ričice, grad Zenica a u postupku pribavljanja odobrenja za građenje.

Uz zahtjev nije dostavljena kompletna dokumentacija tražena tačkom 4. Rješenja o prethodnoj vodnoj saglasnosti broj: UP-I/25-1-40-136-5/21 izdatog od strane ove Agencije dana 22.04.2021. godine tj. nije dostavljena Saglasnost organa u čijoj je nadležnosti upravljanje mostom preko kojeg je planiran prelaz primarnog distributivnog gasovoda te je dopisom broj: UP-1/21-2-40-272-2/23 od 12.07.2023. godine zatraženo od podnosioca zahtjeva da istu dopuni što je i urađeno u ostavljenom roku.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka u sudski registar broj: 043-0-Reg-21-000052 izdatog dana 29.01.2021. godine od strane Općinskog suda u Zenici,
- Ovjerena kopija Uvjerenja o registraciji poreznog obveznika izdatog dana 03.08.2022. godine od strane Porezne uprave Federacije BiH – Kantonalni porezni ured Zenica,
- Kopija Rješenja o prethodnoj vodnoj saglasnosti broj: UP-I/25-1-40-136-5/21 izdatog dana 22.04.2021. godine od strane «Agencije za vodno područje rijeke Save» Sarajevo,
- Kopija Rješenja o urbanističkoj saglasnosti broj: 12-19-3972/21 od 28.01.2022. godine; Rješenja o dopuni/izmjeni urbanističke saglasnosti broj: 12-19-3972-1/21 od 19.07.2022.

godine i Rješenja o izmjeni i dopuni urbanističke saglasnosti broj: 12-19-3972-2/21 od 22.05.2023. godine izdatih od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,

- Kopija Rješenja o izmjeni i dopuni načelnog odobrenja za građenje za složenu građevinu broj: 12-19-5743/23 izdatog dana 26.06.2023. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Zaključka o odbacivanju zahtjeva za prethodnu procjenu uticaja na okoliš za projekat izgradnje gasovoda za gasifikaciju Grada Zenica broj: UPI 05/1-02-19-4-146/22 izdatog dana 19.08.2022. godine od strane Federalnog ministarstva okoliša i turizma (ne podliježe obavezi pribavljanja),
- Kopija Rješenja o odobrenju za izgradnju instalacija na javnoj cesti broj: 09-19-2419/23-ZZ (za prelaz gasovoda preko mosta na rijeci Bosni) izdatog dana 31.07.2023. godine od strane nadležne Službe za vodoprivredu, putnu infrastrukturu i mjesne zajednice Grada Zenica,
- Glavni projekat primarne gasne distributivne mreže pritiska 8 bara na dionici GMRS – Poslovna zona Zenica 1, Investitor JP «ZENICAGAS» d.o.o. Zenica urađen od strane «IGT» d.o.o. Sarajevo (oznaka projekta: 280-ID3/21, juni 2021. godine) revidovan od strane «SARAJ INŽENJERING» d.o.o. Sarajevo (broj: DH-326/21, august 2021. godine)
- Dokaz o uplaćenju upravnoj taksi na zahtjev.

Nakon uvida u dostavljenu dokumentaciju konstatovano je sljedeće:

Za potrebe gasifikacije grada Zenica planirana je izgradnja primarne gasne mreže, pri čemu će prelazi preko rijeke Bosne biti izvedeni čeličnim cijevima koje će se nosačima vješati za bočne strane konstrukcije mostova. Na području grada Zenica predviđena su ukupno tri prelaza preko rijeke Bosne i to preko postojećih mostova u naseljima: Kanal, Lukovo Polje i Drivuša. Obzirom na složenost građevine predviđeno je fazno izvođenje radova.

Urbanističke uslove za izgradnju složene građevine za gasifikaciju grada Zenica (fazno izvođenje) podnosiocu zahtjeva je kroz Rješenje o urbanističkoj saglasnosti sa izmjenama i dopunama izdalo Ministarstvo za prostorno uređenje, promet i komunikacije i zaštitu okoline Zeničko-dobojskog kantona.

Projektna dokumentacija priložena uz zahtjev za izdavanje ove vodne saglasnosti odnosi se na fazu III koja podrazumijeva izgradnju trase primarne gasne distributivne mreže pritiska 8 bara na dionici GMRS (glavna mjerna regulaciona stanica) – Poslovna zona Zenica 1. Ukupna dužina trase gasovoda koji je predmet projektne dokumentacije je cca 2.156m.

Projektom je predviđena da će se gasovod raditi od PE cijevi (PE 100, PN 10) - podzemna ugradnja te da će se trasa primarnog distributivnog gasovoda voditi uglavnom paralelno sa saobraćajnicama a samo djelimično će cjevovod biti položen u zelenoj površini.

Prelaz preko rijeke Bosne predviđen je u naselju Kanal oslanjanjem/vješanjem čeličnih predizolovanih cijevi za nosivu konstrukciju postojećeg mosta preko rijeke Bosne (konstrukcija mosta je spregnuta, četiri raspona, ukupne dužine L=125,0m).

Čelična cijev $\phi 250\text{mm}$ će se oslanjati na stubovima mosta preko betonskog bloka dim 50x50cm. Na svakom rasponu između stubova mosta predviđena su još po 4 oslonca gasne cijevi (oslonci predviđeni od valjanih čeličnih profila L250x90x10 dužine po 30cm koji se zavaruju direktno na nosivu čeličnu konstrukciju mosta).

Služba za vodoprivredu, putnu infrastrukturu i mjesne zajednice Grada Zenica, nadležna za upravljanje predmetnim mostom u naselju Kanal, dala je odobrenje za planiranu aktivnost - oslanjanje/ovjes zaštitnih cijevi za konstrukciju postojećeg mosta, uz poštivanje određenih uslova.

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti izdatog od strane ovog organa broj: UP-I/25-1-40-136-5/21 od 22.04.2021. godine (izdato za prelaz preko rijeke Bosne na tri lokaliteta putem ovjesa na konstrukciju postojećih mostova) te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Glavni projekat primarne gasne distributivne mreže pritiska 8 bara na dionici GMRS – Poslovna zona Zenica 1, Investitor JP «ZENICAGAS» d.o.o. Zenica urađen od strane «IGT» d.o.o. Sarajevo (oznaka projekta: 280-ID3/21, juni 2021. godine) revidovan od strane «SARAJ INŽENJERING» d.o.o. Sarajevo (broj: DH-326/21, august 2021. godine), data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te članom 7. Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:


Nermina Hodžić, dipl.ing.građ.

Prilog:

- Ovjeren Glavni projekat primarne gasne distributivne mreže pritiska 8 bara na dionici GMRS – Poslovna zona Zenica 1, Investitor JP «ZENICAGAS» d.o.o. Zenica, urađen od strane «IGT» d.o.o. Sarajevo (oznaka projekta: 280-ID3/21, juni 2021. godine)

Po ovlaštenju

Rukovodilac sektora za izdavanje vodnih akata



Haris Alisehović, dipl.ing.građ.

Dostaviti:

- JP «ZENICAGAS» d.o.o. Zenica
Masarykova br 48, 72000 Zenica (prilog)
- AVP Sava, ISV – vodna knjiga
- ⊗ Sektor 40 – arhiva
- Oglasna ploča – AVP Sava